

TESTAMENTO frazione di CARFAGNOI

UNA COPPIA CHE FA SCINTILLE

Ciao... I love you...I love you!

Par quei che no se ricorda, mi son Liza.

Son tuta emozionada,

par sta bela giornada.

O' fat par tanti ani la signorina,

ma ades no l'è pì come prima.

Finalmente me son innamorada,

e o' ciapà an altra strada.

Mi so' che o' na certa età

E sto momento l'ò sempre sognà:

an vestì bianc de chiffon

e eser al centro de l'atenzion.

Co'l principe che me speta te l'altar

E da me pare farme accompagnar.

E cossì, ades son qua con voi,

parchè questa l'è na storia de incoi.

O' an bel passato da desmentegar,

ma qualcosa ve oi contar.

E prima che rive al sposo,

savendo che l'è tant geloso!

Son sempre stata an cin trasgressiva,

su tuti i giornai son finida.

Quanti personaggi famosi che o' incontrà,

e l'era sempre fatti de notorietà.

La prima olta che me son fata fotografar,

ere nuda in riva al mar,

mi col me corpo tut tatuà,
son stata an scandalo par tuta la città.
A Trichiana i mormorèa
“ e sì che le na tosa de bona famèia”.
Al Gazzettino le foto al à stampà,
e giornai no se ghen catèa pì quel dì là.
Viste tutte le me qualità
Na settimana dopo Marzullo
Al me à ciamà a far pubblicità.
An reggiseno imbottì,
che fèa veder tante tete de pì.
Ere diventada famosa oramai,
ere tuti i dì sulla Rai.
An dì me sente ciamar
“Liza te ò da parlar”
Era Valentino che l’me domanda de sfilar.
Co la Bruni e la Campbell in passerella,
me son sentida proprio bella.
La me notorietà,
anca in America la me à portà.
Film, shopopera, musicol ò girà,
e quanti ‘mericani che ò incontrà.
Me ricorde Brad Pitt, che l’era così bel,
che ò pers la testa par quel.
Na storia an poc così,
durada appena otto dì.
Ma la vita alla tv la me à stufà,
e così altro ò cercà.
I me disèa che ò na voce bela,
così ciape l’ocasion de registrar na canzon.
Me amigo Renato al mè à senti

“ Parchè no te canta con mi?”
Ma la celebrità no la è sempre positiva,
me sentie an cin esaurida
e quant che ere dimagrida!
A na certa età
Se à bisogn de tranquillità.
Così a Carfagno son tornada,
te la me casetta isolada.
Nessun volèe incontrar,
ma la spesa me tochea far.
Andèe sempre alla Crai
E là Oscar al vendea prosciutti e formai.
Chi avarie mai pensà che an tosàt così
Al se sarie inamorà de mì.
Alt, moro, co i oci bei,
pien de barba e de cavei.
Quando al afettato al taiea,
col so sguardo nol me molea.
Vincer l’oscar al è sempre stat al me obiettivo,
no avariè pensà de catarlo così bel e figo.
Sto matrimonio al à portà tanta curiosità
Spere che al me sposo nol se fae ciapar da l’emozion,
co tuta sta confusion.
I è tuti qua anca quei che no ò invidà.
Vip, giornalisti, quei de la Rai,
saron in prima serata su tuti i canai.
Anca Corona l’è rivà qua
E an regalo al me à portà,
al so ultimo libro autografà.
Oh Mara che bel vederte qua,
varda che no te pol tant festegiar,

che doman te a da presentar.

E des se l'sindaco al olese rivar,
se podarie anca scominziar!

SINDACO

Eccome qua, mejo tardi che mai,
son in bicicletta se oi sparagnar,
vist che la benzina la continua a aumentar.

Ooh, l'è tanti ani che no vedèe na piazza piena così,
Liza te ghe olèa proprio tì.

Ma cenonla curta...

Salton via la burocrazia.

I diritti e i doveri i savè già,
me racomade la fedeltà.

No stè aver presa de basarve...

Che avè ancora le fedi da scambiarve.

Elo che stà novità,
portè fora ste fede qua,
mi de anei son drio parlar,
elo qualcun che li pol portar?

BACIO BACIO

Vede che qua l'è na bela compagnia,
ma parchè 'ndar via?

Liza quasi quasi me ferme anca mì,
se pose e se no son de pì.

Anca parchè ò na curiosità

Saver che che l'è entro te quel baul là

SPOSA

No prima magnon e beon,
e dopo al regalo ghe penson.

La torta la è drio rivar

E al complesso l'e drio scominziar...

BAULE BAULE

Va ben curiosi... Oscar te ase a ti sfrazar

Che mi no ghe rive da l'emozion a vardar.

Al è la dote che me mare 50 anni fa

La me à comprà.

Ninzioi de canevon, camise da not

Qualche toc de saon.

Ooh, che sorpresa! Na busta che pesa!

Oscar ciapelo, che tut quel che i mei i à sparagnà,
podarie esser entro là...

Salta do da sta carega

An on come ti

Che à paura den sorzet così!

 CIAPELO CIAPELO

Ades che i lo à ciapà

Gnen do da quela carega là!

E no sta tremar

Che te riscia de cascar!

Gnanca finì de parlar!

Ancora che te ò ciapà,

farie che senza de ti qua?

Ma...Oscar...sentetu anca ti calt ai piè?

Ma ti atu capì che che l'è?

Saralo l'emozion del nostro amor,

o elo mejo che ciame al dottor?

Utu veder che son drio brusar?

Pore mi, che fin che i me fa far!

Me toca saludarve tuti quanti

Con cin de tristezza, ma senza rimpianti!

I love you! I love you!

TESTAMENTO frazione di MORGAN

LA VECIA GINA

Tut avarie pensà
ma mai de catarme quà

Dal Morini de me on ManoBosco son cascada
e tel pont de Pedalca par tera me son catada

Co l'acelerator sempre vert
nol se ha gnaca rendest cont de averme pers

In presa le rivà an cin de me paesani
par veder se me ere fata tanti dani

le stati tant graziosi e ten trator i me ha cargà
le che ades entro ten canon i me ha fracà

Na lastra i me ha dita che avee da far
ma questo no me par an ospedal

Ho paura che i epie altre intenzion
speron che no i me spare te n'altra Frazion

Parchè a tuti quei altri no ghe intaresa mancener la tradizion
e continuar a far sta manifestazion

Quei ladò come al solito, su in piazza no i ol gner
i dis che iè in pocheti
ma par mi le parché iè revesi.

Quei lasù invezze che no i ha pì bocete picenini
ma me sa che le parchè prima i li ha tiradi cretini

Anca perché disonse la verità
su là ghe ne sempre tante in maternità

Speron che quei "novi" da Sant'Antoni
a far festa i sie sempre boni

Comunque par no gner ogni scusa le e bona...
ma elo solche i me paesani da Morgan
che vien dò sempre a far bacan?
Na fortuna che Carfagno i l'ha deciso de partecipar
e de gner quà in piazza e la vecia brusar...

Regina l'ha anca serà al Monumento
par darghe na man a far al testamento

L'importante lè che stasera sie vert
cosita ndaron tuti entro
a far an bel asembramento

E co Regi la ne dirà: "beon l'ultima po ndon tuti"
savaron che la serata la e finida
e la iente la se sarà divertida.

Del grupet de Trichiana avon poc da dir
anca parchè no i se fa mai sentir

Saralo parchè medi de lori iè entro co la ProLoco
e taser fa parte del gioco?

E noi i omertosi fon
e su de lori no se esprimon...

An discorso a parte va fat a quei da Frontin

Al savon già che i se fa sempre pregar...
e pò se no i vinze i taca subito a sgnafar...

La sempre tel so canton
come se i fusse ancora in zona arancion

Elo che no i ha voia, che no i se diverte?
O elo che no iè boni de star in medo ala iente?

Parfin Capraro le scampà in Alpagò
tirelo aria pì bona visin al lago?

Al torneo frazional i ha anca partecipà
e la bandiera dela frazion i ha presentà

Però le so miss no le era proprio tant dovenete
e quele dei altri invece le era proprio tosete

Sempre pì in su le maiete
e de fora le avea le ciapete!

Sto an come scusa par no partecipar
la gara de corsa i ha deciso de spostar

Però vel dighe qua soto voce...
a quei da Morgan
i ghe ha domandà de darghe na man...

Mi dighe che al dì de incoi poche robe ne resta
e una de le pì bele le quella de far festa

Manco mal che la pandemia
stà bela tradizion no la se ha portà via

Ma qualcheduni sto an, an cin de laoro al se ha risparmià
parchè la vecia de doi ani fà l'ha riciclà
... no sarie al caso che al sie squalificà?

Cambion discorso...

A mi me par che anca sta pandemia quà
al pedo de tuti fora l'ha tirà...

Ve penso la machina dei Vigili in piazza?
tuti che se vardea fora da la teraza?

Col megafono i ne ha terrorizà
e par le strade i ha girà

A far la spesa tuti intabaradi
unica ocasion par catarse parchè i bar i era tuti seradi

Bela sodisfazion ...
pasar tut al dì davanti ala television

Manco ma che intant che magnee
Stanlio e Olio mi vardee
parchè Netflix no avee

Parea de eser sot ataco nucleare
intat al zervel i ne impienia de bale

Ades no son drio dir che al covid nol sie vero
parchè in tanti purtropo iè finidi dò in zimitero

In via Stiane i gnea portadi
senza che nesuni i li avese saludadi

Anca i nostri bocete no iè pi boni de far comunità
dopo doi ani che col computer i ha studià

Le relazion le ghe'n ha risenti
e tra lori no i se conosea pì

Co a scola iè tornadi
i banchi i era tuti stacadi
e co le mascherine i parea tuti maladi

Ma tuta sta situazion nesuni le stat bon de gestir

e in braghe de tela i ne ha fat finir!

De sta crisi par tanti ani ghen parlaron
anca perché no se ha catà ancora soluzion

Ma ades ala faccia de tanti omi....
al governo avon la Meloni
e la rima la ghen da sola...che cojoni

Co no la era su la zieghea come na mata
e la ne ha fat capir de che pasta che la era fata

Ades inveze la ha imparà anca le bone maniere
e su le acise la ha cambià idea come le bandiere

La disea che tut la avarie cambià
ma mi me par che la stesa menestra le restà

Che ghe rimeton son noi poaret
e gira e rigira tel cul sempre i ne lo met

Comunque almanco sto colpo avon votà
quei altri da soli i se era mesi là

I ne ha serà su par doi ani
e ades se vede tuti i malani

E no son drio parlar dei vacini
o parchè i ne ha tratà come i buratini

Par far polemica le bona ogni ocasion
parchè piena de rabia la testa avon

In sti ani Facebook le gnest pedo de an confesional

Se te ha da lamentarte
là te ha da ndar a sfogarte

Scoazze, neve, parcheggi, al dottor, la farmacia, la vesina de casa...
al can, al gat, le pite, al conicio....

E pò ancora...

Se te và in montagna, te ha da star a casa
Se te và in bicicletà, te romp le bale
Se ten và al bar, te se n'alcolizà
Se te và al ristorante..... setu vacinà???

Insoma l'era tut an continuo lamentarse
cosita al sangue al continuea a invelenarse

Ades che sion tornadi quasi ala normalità
tanta cativeria entro nè restà

Ma seo boni de farve i afari vostri???

Le gnest masa facile giudicar
senza saver de che che te se drio parlar

Penson ai problemi veri...la benzina, al magnar, al gas, la luce...
quei mati che dis che se stea meio co ghe n'era al Duce...

Ma le meio che sto argomento al lason perder dai
prima che gnene fora an gran tamai

Vae diretta a parlar de la nostra Aministrazion
che da doi ani i se schiva an sac de imprecazion

A Morgan i ha fat na figura grama...
al ministro D'Incà ghe ha tocà telefonar
parchè a l'inaugurazion dei motori no i ghe la fea a rivar
Pì de meda ora de ritardo
e gnanca an cin de riguardo

lè rivadi tranquili come se gnint no fuse suces
intant la iente sot al sol la se brusea istes

Pieni de moine e strete de man
par mi i ha fat na figura da can...

Del marciapiè de Morgan sarie quasi meio no parlar
parchè le ani che i ne lo ha fat spetar

Na tragedia far partir i laori
parchè i avea sempre da decider tut lori

La vecia Aministrazion co la farmacia l'era in parola
ma quela de ades la ha mandà tut in malora...

I ha cambià la dita dei laori no so quante olte
e parfin dall'Oriente dei manovai i ha fat rivar
ma gnaca al petume no i era boni de misiar

Par tut l'inverno pasà
l'era pericoloso pasar par de là

La rete arancion la zolea in medo la strada
ma l'era meio taconarla sù, invezze de avela cambiada

Par no parlar del fer che i ha trat entro
ma servielo tut par cener insieme al cemento?

No i ghen dopera cosita tant gnanca par far su na casa
...figurarse te na strada...

Gino Ponta e Dario Pestiz tranquili i pol dormir
che entro casa le machine no le ghe v`a a finir

Tira e mola, mola e tira bastea ciamar n`impresa nostrana
e i avarie fin`i laori in qualche settimana

Ades come parecio al me par an cin esager`a
ma meio averlo, prima che al mort al ghe sia scamp`a.

Se p`o parlon de come le strade i fa gestir
al dret i ha ancora da capir

Tanti chilometri ghe n`e tel novo Comun
e ben no i ghe riva a farghe drio nesun

I ha dita:
"bisogna fare delle scelte... dove passano i mezzi pubblici e di soccorso"

Ma quei pore can che sta fora via
no l`e che i pol rivar in piazza in ferrovia

Strade piene de scanafos e bus
le gi`a tant che pase al scolabus

I operai del comun quasi quasi no i serve p`i
parch`e tut da dite esterne l`e gesti

I mandese i Vigili a controlar
se i laori i li fa ben o mal

Inveze la so unica preocupazion
le farte le multe tel stradon

Cosita le casse del Comun le se sgionfa
e coi schei dei altri la Giunta la trionfa!

Dei Capi Frazion olone parlar?
quei che an poc de temp fa son ndati a votar!

Ades lori te ha da ciamar
se ghe ne rogne da sistemar

Bela ideona
pur de no mover al cul da la so poltrona

N`altra roba che la me fa sustar
le che dei Brent de l`Art no i ghen ol parlar

La ProLoco insieme a tante associazion
la ha gestì la caseta de le informazion

Na riunion la ha fat par dirne che che se avea guadagnà
ma del Comun nesuni se ha presentà
An capital i podarie aver par le man
ma gnaca la manutenzion no ghe intaresa far

I ha sempre na giustificazion
se te ghe fà qualsiasi obiezion

De iente che ghen a vederli ghe ne an casin
tant che i ghe ha fat i cesi e al parchegio da vesin

Speron che sta caseta, i ghe la dae in man a qualche privato
anca parchè al guadagno al sarie assicurato

Inveze cosita senza gnanca na gestion
tuti i chega e i pisa e i fa su an rebalton
come che disea i Belumat te na so canzon

Del “campo abandonao” i se fa paroni
ma quei del posto i ghen ha pien i cojoni

De na roba son segura...se indrio se dovese tornar
al comun unico nesun i olarie votar

Solche un de Lori sempre al se espone
Bassanello al difende quel che i propone

Visto chel ghen dal paese dei reves
la so opinion al la dis sempre istes

Al se crede n'importante autorità
coi Vip an mucio de foto al fà

Ma Mattarella al presidente
al preferis altra gente

E.....atu da sposarte?
Prete, metete da parte ...

Anca tei social al ha stufà
con tute le direte da Cortina chel fà

Tra le Olimpiadi e i mondiali
al vedaron su tuti i telegiornali

E mi de la gente famosa
no son par gnint tifosa

Lassù de segur ghen sarà tanti
ma a orologi e machine steghe distanti

Avare sentì che tra Totti, quel gran dugador
e la so bela llary, no ghe ne pì amor

I corni i se ha fat,
tra rolex e borse marcade i ha fat la spartizion
e i so pet i ha contà in television

Anca de Shakira e Piquè
no me ciava an gran chè

Mi pense che le mudande sporche le vae lavade a casa
ma da quà a dedicarghe na canzon
me par proprio n'esagerazion

Tra na Ferrari e na Twingo l'era la scelta
e lu su la pì cea le montà su ala svelta

Ma parlone de che?

anca quà da noi iè drio ndar fora de testa
tuti do par Pasquer i ol ndar
parchè ghe ne quella de OnlyFans da vardar

par an cul e do tete
i se fa la coda par doi birete

pò co i ghen tei nostri bar
i ha presa ancora prima de rivar!

Guere, teremot, aluvion...
gnen sarie ancora de robe da dir
ma ho finì al temp e me toca finir

Podarie asarve con mili raccomandazion o farve la paternal
ma al savè da vostra posta che che le ben e che che le mal

Ve dighe solo de no smeter mai se sognar
parchè la vita la sta n'attimo a passar
Ostreggheta...
a forza de lamentarme
no me son gnanca ricordada de presentarme

Son Gina la femena de Bosco
ma al conosisie ben voi del posto

De lu tanti ani son stata innamorada
ma n'altro anca me son catada

Ades prima de farme brusar
col me amante avarie voia de balar

Su dai.....
che an BEL TOSAT gnene quà
questa sarie la me ultima volontà

TESTAMENTO frazione S. Antonio Tortal Gruppo TORTALTI

LA VECIA SPERANZA

Serabona! Varda quanti!
Mai visti insieme cossì tanti!
Ah, che mal le me cadighe,
le ha patì massa fadighe.
Ma scuséme par la poca creanza...
Me presente: son la vecia Speranza.
Senza girar tant mi son vivesta:
l'é par quela che son poc conosesta.
Son nasesta tel Vintitré.
Su la me schena novantanove i é.
Sto an l'é romai quel dei zento,
ma no me son girada i det gnanca an momento.
Tra staol, camp e ort ho laorà propio tant
e ghe n'ho pregà squasi altrotant.
Par tuta la vita "Pater", "Ave" e "Gloria",
e po tante preghiere che ho inparà a memoria.
Al é ora però che, pì che a la Divinità,
ghe parle s'ciet anca a l'umanità.
L'é ora che me cave da la scarpa do tre sasset
prima che gnene ora de tirar i scarpet.
Come che son rivada a cior 'sta cossienza?
Adess ve conte, se avé passienza.
L'é stat sti tre ani, che i me ha parest eterni.
Par passà poc, ma i ghe ha rivà a cambiar tre governi!
Al Marzo del Vinti entro casa i ne ha serà,
par an mal brut par tuti, ma pì par quei de la me età.
I primi dì i é passadi benon
e anca se se era un par canton,
e paura an cin tuti se ghe n'avea,
na zerta unità se sentisea.
Ma al ha durà poc, come al szol de le farfale.
E 'po l'ha anca scomizià a girar tante bale!
A zervel stusà ma boca ben verta,
ogni un se sentía esperto e esperta.

Ma diséme voi che che la gente ha da capir,
quando che anca i dotori i cata da dir!
A l'inizio par le strade no te catea nessun
e te podea moverte solche entro tel comun.
Comunque tanta strada no te fea,
parché i era sempre là che i te controlea.
E 'ncora che se fea doi ciacole grazie a la tecnologia
se no a sta ora se oltea via.
Tuti i negozi i a tocà serar,
parfin i boce a casa da scola ghe ha cognest star.
Par subito ghe pareva de eser in vacanza,
ma dopo an poc, de la scola i ha senti' la mancanza.
Tanti i é ndati in crisi
e a l'é sparì tuti i sorisi.
Co la DAD i vedea al profesor e al maestro,
sempre che la conesion la avesse estro...
Co i é tornadi ghe pareva na marevea
de quant ben che insieme i stea!
A la fin se se pensa e se reolta
la é andata tant meio de la ultima olta.
Penseo che epie batest la testa te na tola?
Sveiéve, son drio parlar de la Spagnola!

Ve ho vist che sot i mostaci ridest avé
e magari a dopi sensi pensé,
ma adess ve la fae pasar la ridarela,
dato che no l'é stat par gnint na roba bela.
Mi no la ho vivesta quela epidemia là,
ma, co me mare la me contea, ghe manchea anca al fià.
Penseo che la ciapesse i pì veci, strussi o impotenti?
No, la bechea i pì doveni e forti, co la vita davanti!
Amighi, cugini, neodi, tuti persi me contea me mare,
e allora no l'era gnanca temp par le bare.
De dotori gnanca parlar, in giro no ghe n'era:
medi tei ospedai militari e medi al fronte in guera.
E gnanca son securi de quanti che ha mancà:
tifo, pelagra e altre malattie: quanta mort che i ha semenà...
Scolté le parole che gnarà let
de un che a quel temp era an bocet:

*Dalle memorie di Giacomo Carniel, di Feltre, all'epoca dei fatti bambino di dieci anni.
"Un pomeriggio quando come di consueto era tornato da un giro molto faticoso, il
babbo si mise a letto. Il giorno dopo non si alzò e verso sera, rammento, la mamma*

mi chiamò e mi disse di salire in camera a vedere il babbo. Fui preso da una strana sensazione di vederlo sotto le coltri. Non mi ricordo che mi abbia parlato: lo salutai ed egli mi guardò e si coprì un po' di più con la testa. Forse piangeva.

[...] Il giorno seguente rimase a letto [...]

Erano le prime ore del pomeriggio di un giorno molto caldo [...] quando, davanti al Palazzo Guarnieri passò una lettiga dell'Ospedale Civile, spinta da due infermieri. La curiosità dei bambini è grande, ma molto di più quella delle bambine. Una di esse [...] alzò una parte della tendina e riconobbe nel malato disteso mio padre. [...]

Mia madre si procurò una bottiglietta di latte e alla domenica seguente, di mattina, andò all'ospedale per la prima visita dopo il ricovero del babbo. Seppi poi, che avendo ella domandato in portineria dell'ammalato, le risposero che il tale era morto e seppellito.

Malattia contagiosa? Può essere stata la così detta spagnola che fece milioni di vittime? Dubitammo perfino, che fosse stato sepolto sulla nuda terra; ma in quel momento era pensiero trascurabile.

Ah, i me pore denoci

a le olte i me fa mal da oltar i oci.

L'era davvero tempi bruti,

ghe n'era desgrazie an cin par tuti.

E me mare zento olte la me ha contà

de la desperazion te le case, senza i papà:

parché i omi i era stati in guera, in posti che no so gnanca pronunciar

e le femene con tuti i boce da tir/ar grandi e sfamar.

Poc prima che rivesse la spagnola, qua da noi

ghe pensea i Striaci da Caporetto a decimar i fioi.

Sempre pedo, sempre pì lagreme e casin.

Scolté che che i ha scrit tel nostro paesin:

Dal resoconto dei danni stilato dal sindaco di Trichiana nel febbraio 1919:

“La soldatesca nemica si è abbandonata a violenze contro le persone con uccisioni e ferimenti di cittadini inermi e con stupri di donne maritate [...]

L'esercito invasore si abbandonò sin dal primo giorno al più brutale saccheggio [...].

Furono spogliate sistematicamente le case abbandonate dei profughi e gran parte di quelle della popolazione rimasta. Furono asportate tutte le campane, gran numero di mobili, attrezzi, mezzi di trasporto e macchine in genere. Non mi è dato possibile conoscere il luogo di destinazione. [...] Parecchie opere d'arte appartenenti alle case dei profughi seguirono l'istessa sorte delle campane.

Fu incendiata una casa del Comune; distrutta una casa in frazione di S. Antonio; devastate le scuole, una casa Comunale ed una ventina di case private, manufatti e mobili di rilevante valore; il tutto senza alcuna necessità per operazioni militari”

Ah le me gambe, che mal le me fa.

Me cienarale su 'ncora? Chi sa...

Cavéme fora calcossa da la derla, sacramento,

che la me pesa come al cemento!

Maa... No parèelo de scoltar, ben o mal,
quel che se pol catar incoi al telegiornal?
Quele che podea esser romai parole vecie
le é tornade vive te le nostre recie;
basta cambiar do tre parole qua e là
e par an raconto de sti dì qua.
Parché tuti quanti no se sone fati na rason
che coparse un co quel'altro no l'è na soluzion?
E inzeze... da novo i ha da scomiziar,
col ris'cio de tuti quanti entro tirar.
A insanguinar l'Europa adess l'è n'altra guera,
bombardada, invasa e desfada n'altra tera.
Fan, fret, fameie restade senza i cari,
vedove senza on, bocete senza pari e mari...
E tut parché chi che al ha da comandar
la so sei de poder no l ghe riva a stusar.
Pensar che quei omi che incoi vedon
con in man an s'ciop in television,
i podarie eser neodi de quei desgraziadi,
prigionieri de guera alora obligadi
a laorar dì e not, lontan dal so paese,
se no i olea eser tiradi do da le spese.
Me mare... me par ancora adess de sentirla parlar
de quando che anca ela al San Bolt la ha dovest laorar.
De sti pore omi la me contea
che con lengue strane i se parlea,
come se i fuse de n'altra galassia;
e zerti i rivea propio da l'Ucraina e da la Russia.
E tante ostre none, bisnone e tosatei,
(Omi nostrani pochi, i era in guera quei)
tuti quanti a scavar piera,
Spostar giara e spalar tera
par aver quatro schei in man,
o al manco an tochetin de pan.
In zento di' i ghe ha riva' a far su na strada e colegar doi borgate,
che al di de incoi ghe ol ani parche' i ghe rive a stropar doi bus in Nate.
La é stata costruida par far pasar la guera asasina,
ades par fortuna la ne serve par aver Tovenà pì vesina.
Incoi dal San Bolt i riva su lesti
a Sant'Antoni anca tanti foresti
che i portaria an mucio de schei,
se no i parchegese parfin entro de i cancei
a i me paesani dei pascoi che, co i gira i oci,

i se cata machine in medo ai fenoci.
Dei nostri Brent de l'Art te sti ultimi temp l'é stata fata tanta propaganda
ma i parchegi... i aveo visti? l'é presto doi ani che i dovea tacar banda.
E sempre par parlar de velocità
olone parlar de quant temp che ha passà
par catar fora na soluzion
e far sti benedeti capifrazion?
Anca se ghe ol dir par onor de sincerità
che ancora pì flema l'è stat tel centro, propio qua:
i ha spetà de mandar an dottor in pension
e ghe ha olest far na seconda elezion.
E no sté dir che colpa de altri l'é stat:
i ha fat prima in Signa che i é quatro gat!
Ah che mal, svodeme ancora an fià
sta derla da calcossa, feme na carità.
Adess ve conte tei ani quante atività del me paesin
che ho vist serar pian pianin.
Na olta a S.Antoni de tut se avea,
vestir e magnar de zerto no 'l manchea.
Se avèe bisonc de na nova giacheta,
da Mery andee e ghe abinee na bela cotoleta .
Da Aldo e Marcella invezze i bocete i restea incantadi
a veder tuti quei dughi coloradi.
Do te la curva da Giovanina
invezze te podea catar na bella mutandina,
par far content al to omenet
la sera con te ndea entro tel let.
De alimentari ghe n'era doi:
da Efrem te catea dai detersivi ai panetoi.
'po ghe n'era al panificio da Esterina
e da pore Giusto se trovea da far bensina.
Ades al so posto avon la Crai
solo che me gnen fora tuti i me mai
ogni olta che ho da pagar
co sta inflazion che tut la fa aumentar!
Tante olte ghe ol che stae atenta a che che mete tel caret
par no ris'ciar che me gnene an colpet!
Se invezze olee meter su da magnar al spezatin
andee in maceleria da Anna e Berto Pezzin;
e la da vesin ghe n'era la posta con Franco che me dea la pension ,
sempre in medo an gran poiaton.
I bar de Gardini e Esterina par magari bere an ombreta
e catar qualchedun par far na ciacoladeta.

Par fortuna Mara e Marisa le continua a ndar avanti
e contenti de questo de sigur son in tanti.
A dicembre pena passà
anca Niki e Saura i ha serà.
Era al feramenta del paese
E anca lori no i ghe stea pì drìo co tute 'ste spese.
Pì de 50 ani de atività
a servizio de la nostra comunità...
Mi no critiche de zerto la so decison,
anzi! I capise se i é andati sot de paron!
E i nostri boce che i podaria continuar l'impresa dei so veci,
i preferis ndar in fabrica a far speci.
par forza, i capisse ben se no i ol sfidar la sort,
e dover laorar fin a la mort.
L'é giusto anca sè stessi curar
e no sempre coi pensieri tribular!
De sigur l'é pì sodisfazion guadagnarse al pan
Savendo far an mestier co le proprie man.
Vede artigiani pieni de debite e desperadi!
Inveze quei che sa far an mestier i va iutadi!
Varda, son stomegada
a veder tuta sta gente intrigada
ma qua l'é an po tut che va a balon;
co riva le bollete l'é na desperazion!
Par poder sparagnar te la scarsela
le legne tornaron a buttar te la fornola
e impizaron le candele, no par crear na bela atmosfera,
ma par vederse tei oci co gnen sera.
Par no parlar che co le tasse i te pela
e no te vanza schei par comprar gnanca na barela
Par de dugar a scopa tra Irpef Imu e Tari
tel senso: noi fon carte e quelaltri i fa danari!
Però... speta an atimo, stae qua a lamentarme,
ma i oci de me mare i gnen a zercarme...
de quando co le lagreme la me vardea
e de na crisi ben pedo la me contea.
Ani teribili de carestia e povertà,
no podon gnanca imaginar quel che i ha passà.
No l'era mia la moda de vegani e vegetariani,
lori no i catea proprio gnint, porecani!
L'era restà solche da cior su erba e fasoi,
se i olea zercar de sfamar i fioi.
I invasori i robea ovi, pite e anca al sal

par no parlar de quant che i ghe ha fat del mal.
Aveo n'idea de quel che ha olest dir?
Scolté qua, se olé capir!

Dai quaderni di Monsignor Giuseppe Boschet, di Lamén, scritti ad undici anni ricordando gli episodi di quando ne aveva quattro:

“Nella camera dei miei genitori si era impiantato un ufficiale come se fosse sua. Io sono andato su a vedere se mi dava pane, perché avevo tanta fame. Lui era dietro a scrivere e io arrivavo appena su con gli occhi a vedere la carta. Io gli dicevo sempre “ho fan dame pan” ma lui non mi guardava neanche e io dicevo ancora: “ho fan dame pan, ho fan dame pan” e non lasciavo stare.

Allora si è alzato e ha preso nel tascapane una pagnotta grossa e con la britola ha tagliato via una fetta come una fetta di soppressa e me l'ha data, che io l'ho mangiata in un boccone. Poi lui si è messo a scrivere ancora e io ero sempre là a piangere che ho fan, dame pan, e lo tiravo per la manica della giachetta e gli ho fatto fare una macchia di inchiostro sulla carta.

Allora lui si è imbestiato e mi ha preso per un braccio e mi ha dato una pedata così forte che mi ha gettato su per il muro da quell'altra parte dell'entrata.

Quando mi sono accorto che ero in terra e che avevo il muso pieno di sangue, allora ho cominciato a piangere così forte che la mia nonna è venuta su per le scale che non aveva più fiato. Mi ha preso su e mi ha detto come avevo fatto. Io ho detto che l'ufficiale con una gran pedata mi aveva fatto male. Allora mia nonna mi ha asciugato su il sangue e ha detto tante parole all'ufficiale e gli ha detto anche che è una carogna.”

Incoi, tosat, che avon in casa ogni ben de Dio
par che fone de tut par tornar indrio.
Te l'An de la Fan i metea a secar le pantegane al sol,
e adess i ne fa creder che sie bon magnar anca al carol.
Farina de grì e but crocanti
in futuro i gustaron tuti quanti.
Amen, magnarò anca pasta e saltapaiùsch che fa cric-croc..
almanco no ris'cie che la dentiera la me fae tuti toc!
Ah, Che mal a la anca!
cavéme calcossa che al peso al me sfianca!
Sempre pì lenta me fa ndar i dolori de i me an!
Meio! Par al zimiterio l'é meio andar a pian.
Già! na roba la riva par tuti a la fin,
no ghe scampa nissuni a quella dal faldin
gnanca i schei i pol iutar,
fursi solche pì avanti i te fa tirar.
A la regina Elisabetta proè a pensar
a quante primavere che la ha vist passar;
ve ricordeo dei so taiùr coloradi?
fenìdi adess te 'n gran baul desmentegadi.

quanta gente che podarie esser stat vestida de color pastel
e invezze ten zerti posti i se cuerde solche co la so pel.
Tornado a la regina e a le so primavere
posse dir anca mi che ghe n'ho vist de ere.
te 'l me caso no l'é i schei che me ha fat tirar avanti,
ma l'é le preghiere che ho sempre fat par tuti i nostri santi.
E... a proposito de santi, oleo che ve dighe
chi che par al Belunese al dea tanti benefici par le fadighe?
Proprio come an santo l'era vist da tuti
e laorar par lu era bel e portea tanti fruti.
Vedon se indovinè de chi che son drio parlar:
de un che dal picciol al ha tacà a laorar.
Parle de Leonardo Del Vecchio, al nostro re de l'ocial
che al ha creà laoro par na intiera val!
Sempre pronto a investimenti e inovazion,
la so scomparsa la ha assà a tuti an gran magon.
Chi sa che adess ghe sie al comando le giuste teste
e che se posse pensar ancora ale feste
par feste intende dir aver an laoro in tranquillità
cossì che se epie tuti na stabilità.
Ghe olarie che le testine no le assone scampar
par andar de là del gran mar.
Tanti che in America i zerca fortuna
parchè qua de gratifica no ghe 'n ghen data gnanca una.
"Fuga dei cervelli" me par che se diss,
e se no i cenon qua restaron sempre indrio fiss.
Tosat asséme dir ancora qualche parola,
parchè qua al temp al szola.
Co la corona te le man i me ha parecià,
parché me nona de orazion tante la me n'ha insegnà.
Ho vist par ani la me fameia trovar te la preghiera la unica soluzion,
ma adess me varde atorno e vede le nove generazion:
no i va tant a messa e pregar no l'é zerto la so priorità...
e pur pense che tante sodisfazion i ne darà!
Me inacorde che ghe asson na gran confusion tel mondo;
fursi lori i vede, oltre a la fede, altro par farlo girar meio in tondo.
L'é la gioventù al nostro doman
e dovon darghe coraio visto quel che i ha par le man.
Se la storia la insegna, noi poc avon imparà,
ma no ghe ol darse par vinti, e continuar a sperar.
La soluzion no deve esser le guere, né prima né mai.
Grandi, spavaldi pieni de rason e pensar col cor mai
no podon né fidarse né imparar dai potenti,

ma dovon vardarse te i oci e pensar che l'è i tosàt a esser vincenti.
A voialtri consegne la corona del rosario, podè farghe quel che olè.
Par mi tante olte la é stata na salveza, ma voi ncora pì in grant sognè.
Sacramento, e pur sente ncora an gran peso te la schena;
no olé propio cavarme via sta pena?
Elo possibile che no son bona de capir
che che l'è che me fa mal da morir?
Ma adess voi tosàt parché steo qua tacadi?
No ve par co sto fogo de esser esageradi?
Elo la me ora?
Speté speté, adess ho capì che dala derla ghe n'è altro da tirar fora!
No posse no assarghe a sti bocete la marevea pì granda che l'è stat creà:
ghe n'è al nostro mondo là, sot al niziol quatà.
Forza boce, deghelo ai tosatei,
che in tut sto casin resta sempre lori quei pi bei.
Lori i é al nostro futuro, la nostra speranza...
E lora deghe na man, co forza e costanza.
Forza, costanza, speranza... Ma vardà ti!
Ho na roba importante da dir su de mi!
Solche adess me ha gnest in mente, che testa de mul,
che ho leteralmente al fogo sot al cul!
Saveo parché che Speranza i me ha ciamà?
Parché dopo tut quel che i avea passà,
me pare e me mare con mi i vedea
na nova speranza che nassea!
E se anca la mea de generazion
la ghe n'ha vivest de tribolazion,
mi ho fiducia che quei de adess, propio lori
i ghe rive a imparar dai passadi erori.
Asséme ncora dir l'ultima parola stasera:
insegnéghe a la gioventù al rispetto e l'amicizia quela vera;
a slongar na man al pì puaret,
parché tuti a la vita i posse catarghe an dret;
che esser diversi l'è calcossa in pì,
par scoprir robe nove tuti i di;
de sperar sempre che al dì meio al deve ncora rivar,
cossì i avarà voia de levar su par qualche traguardo conquistar.
Ades basta, le fiamme le passa par sora a la me testa;
ve augure de far del ben, de meterghe impegno e de far na gran festa.

Testamento frazione di TRICHIANA

GUSTAVA... LA “MARILINA MONROT”

Bondì, bondì! (finalmente si riapre) Bondì Trichiana!

tuti i dì de corsa me gnen anca na fumana!

I dis che te i paesot no succede mai gnent

ma davanti a sto bancon ne pasa de gent.

Varda, varda qua ste doi foreste...

se capis che le è da fora da come che le se veste.

Ben rivade care signore

gradio un caffè o un bon liquore?

Buongiorno a lei, due caffè grazie. Sa per caso dirci come raggiungere i “Brenti degli Arti?”

Vergine Maria ma gnenle da 'nde?!

Ho capì solche che le ol doi caffè!

Siete da andove?

Siamo naturalizzate milanesi.

Anca mì me son naturalizada Marilina Monrot.

Parchè ciamarme Gustava Lamazza ormai al me avea rot!

Dovè saver che ani fa

sta diva in television la me avea incantà:

boca rossa, cavei biondi co la permanente...

la gnea fora da na torta e la cantea “Happy Birthday” al so presidente.

In America ela la piasea a tante persone

e mi quando me son fata platino i me ha dat del putanone.

E vist che me son fata sta fama

da sola me son verta an bar in piazza Trichiana.

Così chi che ha bon temp par criticarme

tuti i dì i è costreti a vardarme;

entro qua i gnen i strambi come mi

e se se intende al primo bondì.

Presempio ghe n'era na bela tosata

che de un avvocato la se era innamorata.

Ela magari la sognea an bel matrimonio...

(e parchè no anca an ricco patrimonio).

Lusingada dalla promessa,

senza tant pensar la se ha concessa.

Pena che la lieta notizia la ghe ha comunicà

come an gevero, a gambe levade, l'è scampà!

Par consolarse qua da mi la television la vardea

ma se gnea fora na sposa subito la piandea.

In paese tuti i la vardea stort

ma ela a testa alta la frondea la so sort,

anca col panzon nesuni i la iutea

e ela orgogliosa a fan...tuti la mandea.

Me pense ancora co ani dopo la ho vista

co la so bela pupa e an sorriso da rivista!

Mamma mia che paese di trogloditi!

Insultare le povere ragazze abbandonate dai mariti!

Se spetone che da gente che no la se parla tra frazion

solo par la mania de vinzer na manifestazion.

Spetè che n'ho n'altra da contar

senza eser slenguazona e 'ndar sul volgar.
La stea qua in piazza
na incantevole ragaza,
che an istà tornada dal mae
a spaso par le vie al so moro no la se vergognea de mostrar.
In paese l'ha fat an gran scalpor
par via de sto moros che al era de color:
batute e sorisini, ognun co la so opinion
(ma a mi no i me la cava da la mente che a incantarla l'era stat...la dimension!)
Co so mare e so pare la abitea sora al bbar
e no ghe n'era dì no so sei sentise sbarufar.
Pensè che an dì, so mare, la ghe ha corest drio fin qua
ma gner entro in sto bar proprio no la se ha degnà.
L'è restada fora par ore ferma come an zoc
inant i do moroset i se vardea la replica de Woodstock.
Incantadi da quel concerto là
i ha capì che quel l'era al posto che i avea sempre sognà!
Senza pregiudizi e senza pudor
proprio al posto giusto par viver al so amor.
Ingrumà poche straze in quatro e quatro ot,
de scondion, i è scampadi fora par la not.
E ades vardè qua,
l'è tute cartoline che i me ha mandà:
i gira al mondo con gran furor
parchè 'ndove che i pasa no i varda al color.

Beh! Che c'è di strano? Il toy boy di mia madre è giamaicano!

(Ma che roba? Che marca elo?!) ben se olè ho mi ho solo sto sigaro cubano!

No grazie. Noi ora andremo...buona gior...

No no spetè ancora an cin
che ve ofre mi an bel bicerin,
sgnapa da troi fata da mi
quarantazine gradi o anca che de pì.

Troi? Ce l'ha con noi? Ma questa è fuori!

A mi mr par de eser de entro.
Ve conte mi al fato de la mata che la scampea dal "Centro".
A Milan no so come che i fa
ma ve die mi come che i tratea i mat qua.
Sta pore tosata, i disea che la parlea parfin co i vampiri
parchè co cambiea la luna la fea an mucio de tiri.
Tel Medioevo come na strega l'avarie brusada
e invezze par an pochi de ani in manicomio i la ha serada.
Flebi...pastiglie...parea che i l'avesse calmada
e co manco me l'aspetee la vedee girar per strada.
In piazza par i boce l'era an divertimento
ciaparla a sasade e tirarla zimento.
Tel bar de corsa la rivea
e drio al bancon la se scondea.
An zerto momento no la ho pì vista
ma na sera al telegiornal ho senti na intervista.

Beh signora noi dovremo raggiungere i Brenti prima di notte.

Ades basta co sti brenti, i se ciama Brent
par dirlo giust avee da strender an cin i dent!
Ma sì dai vel dighe, dovè andar a Sant'Antoni
ma prima ve conte da storia de Tony. (co la iupsilon a la fin!)

Al l'è an tosat delicato e carin
ma a lu le femene no le ghe piasea neanche an cin.
Lu al proea a farse veder virile
ma pì trope mose le era al femminile.
Da i altri deriso,
al se fermea al me bar in zerca den medo sorriso!
(Disondela tuta, anca a mì i primi tempi al me fea an po' efeto
quando ai me clienti al ghe vardea fis al culeto.)
Al ghe stea drio a quel de la bancarella
che par salvarse al cul al ghe ha rifilà so sorela.
E par consolarse al gnea qua da mì
a vardarse i video di Freddy Mercuri.
Invidioso de sto cantante col moros e pien de schei
e che tuti lo amirea pur savendo che l'era gay.
Al se ha proà par mesi a farse piaser la Cesarina...
anca parchè sta qua l'era proprio brava in cucina.
Col ciaro de luna i brovea a darse baci,
ma sta pore, de Freddy l'avea solche i mustaci.
Stuf de la situazion, de la solitudune e del gran magon
a l'è migrà in Grecia in zerca de an bel gnocon.

Certo che ne ha vista passare di vira. Storie ingarbugliate ma comunque a lieto fine. Ma una domanda: e la matta?

Mì no so pì
parchè no la ho pì vista dopo quel dì;

magari la è in qualche stazion
e par casa l'averà an toc de carton.
Oh...no se parla de n'can
che l'è tre par lontan!
Ecola là, la è drio pasar
e da n'assistente la se fa compagnar.
La è finida ben anca sta storia,
me gnen da pensar che l'abie ciapà l'acompanatoria.

Oddio che tardi, ve ase proprio 'ndar
par sta olta ofre mì, fora! Che ho al bar da netar!

*We ciao! Noi andiamo ma torneremo magari la prossima holiday con il Dene e il
Giangi per un apericena!*

We we sta roba elo che?
De diese parole ghe n'avarò capì tre.
(scolteme mì) Ason perder "olidai" e "giangiar"
Ciapè dti doi straz e iuteme a netar!
Che ale oto sion fora da qua
e 'ndon in piazza che oi veder le vece che i ha da brusar

*Bruciare delle vecchie? Donne? Mah...è meglio che l'aiutiamo a pulire
ho quasi paura che ci voglia punire.*

Son proprio curiosa de veder chi riva primo sto an
Frontin? Sant'Antoni? Morgan?
Mel domande a far che? Tant savon già che Morgan
la vinze anca sto an.

Sant' Antoni ho senti che i ha pers par strada tanti partecipanti
e ades par podder vinzer al se ciolarie su anca i briganti!
E Frontin?? Co la spuza sot al nas
i ha rinuncia a la Vecia parchè perdere no ghe pias.
Ho senti che fursi torna Carfagnoï...
Boh...me domande come farali a far spettacolo se la entro i abita solche in doi.
L'ultimo gruppo che l'è Trichiana
I è medi foresti ma te imbastis su an spettacolo te na settimana;
e no l'è zerto merito de na zerta siora
che in Pro Loco la laora.
I fa sempre quel che i ol no i segue proprio tant la tradizion,
ma i messaggi che i porta iè sempre pieni de rason.
Chisà che argomenti i porta sto an
ma se i tornese co "LO STENDARDO" sarie la prima a bater le man.

*Beh allora noi ci andiamo a cambiare
se c'è così tanto da festeggiare!*

Ecome qua, so rimasta da sola
e me rende cont che no son neanche mì proprio na suora.
Ho parlà de tuti, da ste doi de Milan
a quei de Morgan.
Penseè mì de eser diversa
ma alora golarie che cenese la lengua entro te la scarsela de la traversa.
Senti lù, (al King) tel '63 l'avea già pensada
e mì tel domila e vintitre ghe son pena rivada.

HO AVEST AN PO' TUTI DA SPARLAR

INVEZE A STO MONDO, TUTI I PREGUDIZI SARIE DA BRUSAR!!